

Informacija o održavanju IMPULS nacionalne radionice u Mostaru od 21. do 23. marta 2017. godine

15.03.2017 12:51



IMPULS nacionalna radionica će se održati u hotelu „Mostar“ u Mostaru od 21. do 23. marta 2017. godine. Na radionici će se razmatrati iskustva iz regionala i šire u vezi sa zakonodavstvom infrastrukture prostornih podataka (IPP), te načinom prikupljanja i obrade metapodataka.

Prvog dana radionice predviđeno je razmatranje problematike u vezi s izradom nacrta zakona o IPP-u u Federaciji BiH. Radionici će prisustvovati IMPULS eksperti, članovi IMPULS tima iz Federalne uprave za geodetske i imovinsko-pravne poslove (FGU) te članovi Radne grupe za institucionalna i pravna pitanja IPP-a FBiH, koju je imenovalo Vijeće IPP-a FBiH. Cilj radionice je razmjena iskustava i usvajanje prijedloga iz regionala vezano za stvaranje odgovarajućeg zakonskog okvira potrebnog za uspješno uspostavljanje i implementaciju IPP-a.

Nakon IMPULS nacionalne radionice planirano je održavanje VI. sjednice Vijeća IPP-a FBiH. Za dnevni red je predviđeno: usvajanje Zapisnika s prethodne sjednice, imenovanje institucija čiji će članovi činiti radne grupe za tehničke standarde IPP-a FBiH, te Prijedlog odluke o izradi web-stranice Vijeća IPP-a FBiH.

Teme drugog dana IMPULS nacionalne radionice su priprema i uređivanje metapodataka za hidrografiju i gustoću stanovništva, odnosno skupova podataka koji će se koristiti u okviru IMPULS projekta. Subjekti IPP-a koji će raditi na pripremi i uređivanju metapodataka su: Agencija za vodno područje rijeke Save, Agencija za vodno područje Jadranskog mora i Federalni zavod za statistiku. Na radionici će ispred IMPULS projekta učestvovati IMPULS eksperti iz regionala i članovi IMPULS tima FGU.

Trećeg dana radionice razmatrat će se analiza prikupljenih podataka za različite geoportale (u skladu s INSPIRE specifikacijama), te potrebe stvaranja registra subjekata IPP-a FBiH (nadležnosti, postojeći podaci, neophodne promjene u registraciji podataka i dr.), kao i registra izvora prostornih podataka IPP-a

FBiH (tko posjeduje prostorne podatke, koliko su ažurni, u kojem su formatu dostupni i slična pitanja).

Izrada ovih registara je prvi korak prema izradi metapodataka, kao i prvi korak prema uspostavi IPP-a FBiH. Ova tema je usmjerena prema većem broju subjekata IPP-a u FBiH, bilo da se radi o federalnim, kantonalnim ili subjektima lokalne samouprave.

Radionicu će voditi IMPULS eksperti iz regionala, kao i članovi IMPULS tima FGU (doc. dr. Slobodanka Ključanin, gosp. Denis Tabučić, gosp. Nikola Cvjetković, gđa Amira Babić, gosp. Tomislav Tomić i gosp. Nedim Hadžiosmanović).